

Tuhaqtitaujuqhaq

Qilamik Tuhaqtitaujughaq

**Nunavut uqaqtait quviahuutigiplugulu hivulliqpaaq
ukiuq tamaat Ilihalihaaliqtunut Ilihaijit Quviahuutaujut
Ubluaganni**

Iqaluit, Nunavut (Tattiarnaqtuq 22, 2024) – Havagviat Ilinniaqtulirijitkut quviahuktut tuhaqtitiplutik hivulliqpaamik ukiuq tamaat Ilihalihaaliqtunut Ilihaiji Quviahuutaa Ubluaganni Nunavunmi. Una nutaaq avikturviujumi quviahuutaujuq piniiaqtuq ukiuq tamaat kinggulliqpaanggani Aippiunmiut Tattiarnaqhilirvianni, aullaqtiqluni Tattiarnaqhilirvia 29, 2024 mi.

"Una ublua ilitaqhitijaami quviahuutilugitlu havakpiangnirit havakpiakpaktutlu ilihaijit ilihalihaaliqtunut, ihariagijaunialu havaamingni pivalliaqviqhainnut nakuunikkutlu nukaqhiit nutaqqat" uqaqtuq Minista Ilinniaqtilurijitkunni Pamela Hakongak Gross. "Ilihalihaaliqtunut Ilihaiji Quviahuutaat Ublua pipkaijuq Nunavunmiunut qujagiplugit hapkua ajuittiaqtut ilihaijit tunihivangmata ihuaqtunik. Una ublua pipkaijuq aqhuuqhainirmik havaamun ilihalihaaliqtuni ilihagutiqhanut, havaarijaqhaq alianaktuqhaq, piliurnirmik nutaanik, ikajuutauniarmanlu tunihipluni ajuirhanikkut an'ngiqlijuumiklutiklu nukaqhiit nutaqqat".

“Hivulliqpaangngujuq ukiuq tamaat Ilihalihaaliqtunut Ilihaijinut Quviahuutaa Ubluaganni nammagiqpiaqtuq ilitaqhijaami havariqtumi hapkua ilihalihaaliqtunut ilihaijit,” uqaqtuq Kanataup Gavamanga Minista Ilagiiqtunut, Nutaqqanut Inungmiunikkut Pivallianiit, Jenna Sudds. “Ubluq tamaat, thavakpiaqpaktut naupkariamingnik ihumannuat, pidjutigiplugitlu tun’ngaviqhait inuuhirmun taimunga taimunga ajuirhanirmut, illitturimanikkut pidjariktumiklu. Havakpiagutait taamnauginnaunggittuq nunarjuami nakuutqijauvaktut nutaqqaptingnut kihimi pipkaijait an’ngilijuummiqhugit kinguliqhaptingnut”.

Ilihalihaaliqtunut ilihaijit havakpaktut laisqaqtuni nutaqqiqiivingni, ilaliutiplugitlu laisqaqtut ilagiiqtuni aimaviujuni, aqhuungnaktutlu maniliurnikkut pian'ngaijaami Nunavunmi. Tunihilutik an'nginirmik-ihuagpiaqtunik ilihalihaaliqtunut munarinirmiklu,

Quviahuutigiluta uqautilugitlu nakuujumik atuqpaktut ilihalihaaliqtunut ilihaijit nutaqqaptingnut nunallaanutlu. Aullaqtirilutin havaaqhat ilihalihaaliqtuni ilihaijiqhanik atiliurluguluunniit nutarat katimaviujumi ublumi uqaqvigilugit laisiqagtut nutaqqiqiviit nunaffingni. Naunaittiagumaguvit, talvunggaulutin qaritaujakkut [Ilinniagtulirijitkut qaritaujakkuugutaannut](#).

Tuhaqtipkainikkut Uqarvigijakhaq:

Matthew Illaszewicz
Aulpakaiji, Tigummidjutiqarnikkut Ilaupkainiq
Ilinniaqtulirijitkut
867-975-5649
info.edu@gov.nu.ca

News releases are available in Inuktitut, English, Inuinnaqtun and French on www.gov.nu.ca.
Tuhagtitaujkat haillihimajun Inuktitut, Qablunaatun, Inuinnaqtun Uuiutullu uvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.